

wercks / Vnd ein iglich werck / ist aller drey
Personen / als eines Einigen Wechers oder
Meisters werck / Denn wie der **DEUS** den
Himmel macht / So macht das Wort auch
den selben vnd keinen andern Himmel / So
macht der Heilige Geist auch den selben / vnd
keinen andern Himmel Ein Einiger ist / ders
macht / vnd ein Einiges Werck ist / das alle
drey Personen machen. Widerumb / Wie der
DEUS macht alle heer des Himmels durch
seinen geist (wie der Text da stehet / Durch
den geist des **DEUS** ist alles heer des Hi
mels gemacht) So macht der Geist dassel
be / vnd kein ander heer des Himmels / So ma
chet auch das Wort / dasselbe vnd kein ander
heer des Himmels.

Darumb ist hie einem Christen wol zu
mercken / das er / wie Athanasius singet in
seinem Simbolo / nicht die Person in eine
Person menge / oder das einige Göttliche We
sen in drey Personen teile oder trenne. Denn
wo ich einer iglichen Person / von aussen in
der Creatur ein sonderlich werck gebe / da
die andern zwo nicht mit zu thun haben sol
ten / So habe ich die einige Gottheit zertren
net / vnd drey Götter oder Schepffer gemas
chet / Das ist falsch. Widerumb / Wo ich ei
ner iglichen Person inwendig der Gottheit /
oder aussen vnd vber der Creatur / nicht ein

J iij sonder